

COL

¹ Wakita Bulus, kwa nal kə zər ɓəlga kərɪsti Yesu tədʋad naaga Daadamazhigəl, əmtad də Timuti, zəraabamiyama,

² Da vak lii gata Daadamazhigəl kwar ndzəga ma Kolosiya. Aa ndzandzəg nə Herəra ard gabərər Daadamazhigəl Daadamiyam təghər kəskurama.

³ Ba kələhənga, kəm tagar uus kə Daadamazhigəla, Daad Yaazhigəlamiyam Yesu Kərɪstiya, ma sartən kəm dzug nəmnd kə zhigəl kwakyarvad kuurama

⁴ Adaba cinngamndacinng kə fadghəraru tə Kərɪsti Yesu, ard waiyakəvi am martər nə uuram kə lii gata Daadamazhigəl badəmma.

⁵ Kwam ɓagtər nə uuram əndkwaha, adaba am də fantaar təghər kə dəgitahi marau kwa fakura nə uud ma ghərazhigəla. Kwan nə əlbəga jijiiri cinngama nə uuram ba zəngw ma əlbəg marawa.

⁶ Əlbəg marawən sa də barka, dlaɓa cinngalci-ing ma duni badəmma, bandkwa ɓagaa nə iin makuuram bamma sarta kwa famarzha cinnga əlbəg təghər herəra Daadamazhigəla, ard ɗuuli nəghamaaka nə uurama.

⁷ Fəgharza nə Abafaras tsaghwa tləramnda kwa kəm waig nəmnd kə lankur əlbəga hərərɾa Daadamazhigəla. Uuda jijiir nə iin ma ɓa tləra Kərɪstiya, dlaɓa iin wa ɓa tlər vakaru dlakulvamnda.

⁸ Iin dlaɓ wa tagkəmnd əlbəg təghər kə waiyakəvi am ɓag nə uuram ma Shidkwa.

⁹ Cinngamnda ba nɛmnd kɛ ɛlbɛgna, ghacamnda bi kɛ dzɛgwazhigɛl mbakyarvad kɛ uuram biya, kɛm ba ghala Daadamazhigɛl ma righkurɛt dɛ sɛrgasɛrg ma dabariya ard nɛghgakanɛghɛga.

¹⁰ Tɛdvad kwah wam da ɓag nɛ uuram kɛ ndzɛgan maraw tɛvuukwa Yaazhigɛla, am hɛnarna kɛ ɛrvidmahudɛ, am ɓagan kɛ ndzɛgan maraw aanji ma hulfa kwar kɛ tlɛra, dlaɓa am gwiya fɛgara bad fɛg ma sɛrga Daadamazhigɛla

¹¹ Aa fɛkuraafɛg nɛ Daadamazhigɛl kɛ ndzɛd dɛ ndzɛdan badɛmma, kiyava ɓishgan kɛskuuram aanji bau wa dzɛgardzɛga, am fɛgan kɛ ɛrvidmahud dɛ dlaiga.

¹² Am tagar uus kɛ Daad ba kɛla hɛnga, adaba iin wa fakiyama tlɛkɛna dɛgshiga gwiigɛn kwa faa nɛ iin kiyava uudahan kwar ma tlɛksɛra paraka.

¹³ Adaba iin wa ngɛdlakiyama sagal ma tlɛksɛra gurtla, sɛkiyamdaan damma tlɛksɛra Zɛraan kwa waig nɛ iina.

¹⁴ Kwa varakiyamnda tɛdvad iin nɛ uuda, kwa iin nɛ ɓisha haipaha miyama.

Juujig nɛ Yesu kɛ dɛgit badɛmma

¹⁵ Kɛristi nɛ dzakɛva Daadamazhigɛl kwa nɛghva biya, iin Zɛra zɛnngw tɛvuukwa dɛgitahi vɛrɗyava badɛmma.

¹⁶ Adaba ɓagava tɛdvad iin nɛ dɛgitah badɛmma, dɛgitahi ma ghɛrazhigɛla ard ma duuniya, ard dɛgitahi nɛghvanɛghɛga ard dɛgitahi kwa nɛghva biya, aanji avda kwarga, aaji kwarga, aanji lii ndzɛda. Badɛm nɛ dɛgitahi vɛrɗyavana, vɛrɗyavtɛra tɛdvad iina, dlaba mbakyarvad iina.

¹⁷ Kəristi wa təvuukwa dəgitah badəmma, dlaḅa badəm nə dəgitahi vərɖyavana matlavant tədvaɖ iina.

¹⁸ Iin nə ghər tə vəgha, kwa iin dlamakəlawə lii gatəga. Iin nə dəga zənnngwa, iin dlaḅ nə dəga zənnngw ma lii ciig ma gətlaha, dlaḅa aanji ma kwar kə dəgita nalnəg nə iin kə dəga zənnngwa.

¹⁹ Aḁaba cinngucinng nə Daadamazhigəl kəmtakəra righəga dəgitah badəm ma iina,

²⁰ tədvaɖ Kəristi dlaḅ wa nadal nə iin kə dəgitahi vərɖya nə iin badəm da vakaana. Aanji dəgitahi ma duuniya ma dəgitahi ma ghərazhigəla, sadaasəg kə gabar saa mataataka kwanahaan badəm tədvaɖ ɖiida avzaan tə tlaḅa hərtəga

²¹ Ndzam ba bəkyə də Daadamazhigəl wurwura, ndzam ɓa tləghum də iin ma ərvəɖməhuɖaru am ɓa dəgitah ghwadghwada.

²² Aḁaḁa ndakwana, faafəg nə Daadamazhigəl kə gabər mataatakaru də iin ma avza Kəristi kwa dəga tluwa ard avza tədvaɖ əmtsəgaana. Nakurdalnəg nə Kəristi ndakwan ba cuwadaɖ lii maay də haip təvuukwa Daadamazhigəl biya,

²³ Akwama am zaə ba vuuk də fadghəraruwa, am ghaca ba tə vakaiya, duuwamar bi kə fantara kwam dəvakai nə uuram kwa cinngam ma əlbəg marawən biya. Kwan kə əlbəga maraw kwa tagavtər aanji kwar kə dəgitahi vərɖyava ma mi-izhangəl kə ghərazhigəla, kai Bulus wa nanal kə dadda ɓa tləra.

²⁴ Ən dlaig nai ndakwan mbakyarvad dladən ən huḅəg nai kwakyarvad kuramna, aḁaba ən da righant tədvaɖ dladən kə dəgiti təmaa kə dlaḁa Kəristi huḅuu nə iin kwakyarvad vəghaana, kwa iin

nə dlamakəlawə lii gatəgaana.

²⁵ Nanalnəg kə dadda taa əlbəg marawa tədvađ həkya langyiya kwa vəlghwa nə Daadamazhigəl mbakyarvad kə uurama, kiyava tagkur əlbəg Gaadamazhigəl ba marawa.

²⁶ Kwan kə əlbəgən ən tagkur naiy na, dəgit shiḃashiḃan ba sagalan ma zərəzəra, adaba ndakwana maravtərdamarəg kə yaa dadda gata yaazhigəla.

²⁷ Naaga Daadamazhigəl mara səran nə uuda-han kə dyaka hyahərən ma dəgan shiḃashiḃan kwa ndanga, kwa fa nə iin kiyava lii ar Yahudahən biya, dəgitən shiḃashiḃanna, iin Kəristi kwa də shifəg ma kə uurama, am də fantar ndzəga əmtad də iin ma ndangəraana.

²⁸ Iin wa kəm tagar nəmnd aanji war kə dəgit təghər kə Yesu Kəristiya, kəm tədkur hyəmya dlaḃa kəm tsakur kə dəgitah badəm də dabariya kiyava nal aanji ba war kə dadda gata Kəristiya.

²⁹ Mbakyarvad kwah wan ghulvanai kə ḃa tlər bad halavuwa ndzədar kwa vəlghwa nə Kərisri ma kaiya.

2

¹ Ən naagan am səran kə hulfa dladan ən həbəg nai kwakyarvad kə uurama ard uudahi ar ma lawudikiya, ard uudah badəm kwa taparnabi kə nəghkwanəghəg biya.

² Maa tə naagara maraa ndzan ma waiyakəva, dlaḃa ar tləkəna kə ndzəd ma ərvidmahudaatəra, kiyava tləkənatləg kə iitər kə sərgasərəg ba maraw, ar səran kə dəga Daadamazhigəl shiḃashiḃana, kwa iin Kəristi bad ghəraana.

³ Shiḃavna ma iin nə ndangəra dabariya ard sərgasərgər baḃəmma.

⁴ Ən tagkur kwa nai haik valkurdavaləg nə uu-danna də əlbəga, ɓala gajawa.

⁵ Aanji ban maay əmtaḃ də kuuram ma ndzəgana vəgh biya, aḃaba ma shidkwa ən ba əmtaḃ də kuurama. Ən dlaig nai ba vaivai mbakyarvad ndzəga ba kalkala, dlaḃa am də fadghər ma Kəristiya.

Sadaasəg nə gata Kəristi kə daala shifəga

⁶ Haiyamanthaig tsau taakiya Yesu Kəristi nə Yaazhigəlaruwa, zamzəg kə vuuk də gatəgaana.

⁷ Am ndzan ba maraw ma iina, am faraa kə ndzəḃ kə ghəraruwa, dlaḃa am ghacan ma fadghəraru bandkwa tsagamndkuru nəmnda, am tagar uus kə Daadamazhigəl ba kəlahənga.

⁸ Famfəg kə hyəmiya, aa viiyət bi nə uudan kə ghəraru tədvaḃ dyaḃdyama duuni kwa dəga val-uud biya, kwa tag nə dəga daadija uudah tədvaḃ ndzəḃa shidkwa duuniya, kwa dəga Kərist biya.

⁹ Aḃaba righant ma Kəristi nə Daadamazhigəl kə dəgahan baḃəm ma vəghaana.

¹⁰ Bandkwah dlaḃ nə uurama, am righarighan ma Kəristiya, kwa iin maal təghər ndzəḃa ard kwarga

¹¹ Bagakura ma iin dlaḃ nə uud kə aguvaca, hulfa aguvacən ɓag nə uud də dəv biya. Sakurdasəg nə uud sagal ma haipaharu kwa naag nə vəgh baḃəmm, ma sarta kwa ɓagakura nə Kəristi kə aguvaca.

¹² Aḃaba həḃakurahəḃəg nə uud əmtaḃ də Kəristi ma sarta kwa ɓagakura nə uud kə tsuufəga. Ciyakurətciig dlaḃ nə uud əmtaḃ də

Keristi ma tsuufeg tadvad fadgheraru ma ndzoda Daadamazhigela, kwa ciighant ne iin ma getlaha.

¹³ Ndzam emtsamemtsan wur mbakyarvad haipaharuwa ard maara ba aguvaca kwa daga duwa henkali naag ne vega, ciyakuretcii ne Daadamazhigel de shifeg emtaf de Keristiya, bishakiyamnabisheg ke haipahamiyam bademma.

¹⁴ Ghudadaghudag ke shariya kwa nguda kiyama ne adzahadzahena, kesakiyamara kesaga ne Daadamazhigela, tsahettsahag ke kus te tlaa hertega Keristiya.

¹⁵ Kesatervakasesag kadlanga ghwava lii kwaraga ard ndzodaatera, tsateratsag ke zhirwa bat balaala tadvad zaa fiir tt iter te tlaa hertega.

Tlakana kwara gher vak Adzahagdzaha

¹⁶ Mbakyarvad kwaha, aa fekuraabi ne uud ke haipa tegher ke degiti am zeg ne uurama, bi tegher ke degiti am hubeg ne uurama, bi am maay tsuufa hwadaga haarakasa, bi Hwadaga Daala Kyila, bi ngiia faciya senv biya.

¹⁷ Kwanahaan ke degitaha band shidkwa degiti da sagauwa, Keristi ne gyigyia deginiina.

¹⁸ Mbakyarvad kwaha, haiyamant bi aanji ba war ke dadda naa gher nenna ke uuram taakiya, tlaltleg ne iin ke ghwalvera bagan ke senga. Hulfa kwan ke uuda naa gheran ba ghyana, baz taaki bagar kwatengah ke zerha belga Daadamazhigela, mbats ndakwani vala ba gheraana, ervidmahudana daga henkala uuda digshiga.

¹⁹ Hulfa kwan ke uuda, emtsavet bi te Keristi kwa iin ne gher te vegh biya. Adaba iin wa hekya vegh badema kwa matlamatlan de pordaha,

ghubaræg dlab bandkwa faa nə Daadamazhigəla kiyava ghubarəga.

²⁰ Əmtsamaəmtsæg tsau əmtad də Kəristiya, dlaəa sakurdasæg sagal mazhagyil kə ndzədə kwan kə duuniya. Aujilbæg am 6a ndzəgan band lii gwastan ar ba dəga duuniyi? aujilbæg am haiganthaig də adzahadzah kwa tsag nə uud duuni,

²¹ adzahadzah kwa taakiya, “Bag bi kə tlər də kwan biya, tap biya, vii biya”?

²² Hulfa kwan kə adzahadzaha tag təghər kə dəgitahi da zəlma biya, adaba adzahadzahiina kwa tsag nə uudaha.

²³ Hulfa kwan kə adzahadzaha məng nə ndzəgana dabariya vaka faa ndzəd ma gatəga kwa naag nə uudaha, ar tsəgarva ghəratər kə cinnga əmtakər mbakyarvad gata digshiga, ar vəlga dlad kə ghəratəra. Bak jiiirjiira, hulfa kwan kə adzahadzaha maay də ndzəd vaka tsəgarva dəgiti naag nə vəgh biya

3

Ndzəgana Daala Shiifəga

¹ Ciyakurətciig tsau nə Daadamazhigəl də shiifəg əmtad də Kərisiya, gatamgatəg kə dəgitahi kwa maghərzhiğəla, vakavaki də Kəristiya, kwa cihurgan tə dəva kafa Daadamazhigəla.

² Dzamamdzaməg ba kə dəgitahi kwa ma ghərazhiğəla, ndavambi kə dəgitahi kwa ma duuni biya.

³ Adaba əmtsamaəmtsəga, shiəashiəan nə shiifəgaru əmtad də Kəristi ma Daadamazhigəla.

⁴ Ma sartən da marazh nə kərīsti kwa iin nə shifəgaruwa, ghəvaru ndakwani am da marazh əmtad də iin ma ndangəraana.

⁵ Mbakyarvad kwanha, duwamarsduug kəma dəga duuni ma ərvidmahudarūwa, kwa iin tləra gwardzərra, ard gwaragwara, ard 6a kəladəra, ard shi6əlga, kwa iin ndakwani ba 6agar kwatənah kə ghəlahā.

⁶ Mbakyarvad kwan kə haipah wa badzəg nə Daadamazhigəl kə ərvidmahudə də lii 6a kwana.

⁷ Ndzam za vuuk də kwanahan kə hənkal nə uuram wura, ndza nalnəg kə vəgh kəskurama.

⁸ Adaba ndakwana, barari kəskuram am duwar kə hulfa kwanahan badəmma. Duwamardug kə ngudā ərvidmahudā, ciiya jaaga, ard naa bi kə uuda, ard badza dāaga, ard əlbəg ghwad kwa sagal ma ghaayaruwa.

⁹ Tagam bi kə fiid ma taatakaru biya, duwamardug tsau kə hənkalaruwi kwa ndza wura ard tlərahaana,

¹⁰ baz kəsa daala hənkal kəakurama, kwa navdal kə daal tədvd sərgasərg ma dzakəva daddakwa vərđyavərđyəga.

¹¹ Tləmkenatləg tsau kə daala hənkala, madla bi nə ndzəgan gərgər ma taatakaru biya, aanji Yahudaha ma lii ar Yahudah biya, ard daddakwa 6aga6ag ka aguvaca ard daddakwa 6agabi ka aguvac biya, ard dadda təmaruwa, ard zərndzəga, ard erva, ard daddakwa kwara ghəra, badəm ba dəgit palla, adaba Kərīsti nə dəgit badəmma, iin dlab wa ma kəmyam badəmma.

¹² Kəsakurakəkəsəg nə Daadamazhigəl kiyava nəg kə uudahana lii cacuwanan kwa waitər nə iin ba

vaivaiya. Mbakyarvad kwaha, am zhutərdaala kə zarabaharuwa, am ɓagtər herərɾa, am nal kə kalaliyah ard ɓa dɛga jiira ard ɓishgaana,

¹³ am fagan kə ərvidmahud də zaraabaharuwa. Akwama ɓagaɓag nə uud pal ma kuuram kə haipa, am ɓisharnana bandkwa ɓishkurna nə Yaazhigəl kə haipaharuwa, ɓishamarnaɓishɔg dlab nə uuram kə pallaruwa.

¹⁴ Təghər kwanahaan ɓadɛmma, ɓagamɓag kə waiyakəva, adaba waiyakəv wa matlɛgant kwana-han ɓadɛm tɛ dɛgit palla.

¹⁵ Aa ɓag nə gabɛra Kərɩsti kə kwarɛg ma ərvidmahudaruwa, adaba mbakyarvad gabərən wa ɗahakurər nə uud kə ndzɛga kə vɛgh palla, dlaɓa am nal kə lii tagar uus kə Daadamzhigəla.

¹⁶ Aa ndzandzɛg nə əlbɛga Kərɩsti ma ərvidmahudaru ba dyakdyaka, am tsagtɛrtsag kə zarabaharuwa, am ɓɛlgan kə magi də dabari ɓadɛmma, am ɓɛlgan kə əngsa zabura ard də dɛga galla Daadamazhigəla, am ɓɛlgan kə əngsa kwa tagkur nə Shidkwa, am ɓɛlgan da taa uus ma ərvidmahudaruwa.

¹⁷ Aanji ba kwar kə dɛgiti am ɓag nə uurama, ma taa əlbɛga ma tlɛra, ɓagamɓag ma ɗaaga Yaazhigəl Yesu, am tagar uus kə Daadamazhigəl Daada tɛdvad iina.

Ndzəgan kwa marau kə yaa dadda gatəga

¹⁸ Kuuram əngwasaha, ɓagamɓag kə ndzəgan də zhiilaharu band kwa kalkalan də lii gata Yaazhigəla.

¹⁹ Kuuram ghulvaha, waiyamtərwaig kə əngwasaharuwa, maramtərbi kə hənkal ghwad biya.

²⁰ Kuuram zarha, famarafög kə daadaharuwa ard baabaharu aanji ma kwar kə dägita, adaba kwan wa naag nə Yaazhigəla.

²¹ Kuuram daadaha, vəlamtərbi kə dlad kə zərharu biya, haik kə gədzəg kə iitəra.

²² Kuuram εvaha, famtəraraafög kə dadda hənyaharu maa duuni aanji bamma auwa. Bagambi kə dəga nəgha gyi band kwa bag lii gata daag vak kə uudah biya, dlakulva kwaha, bagamba kə tlər bad ərvıdmahud palla, am gədzəgan kə Yaazhigəla.

²³ Badəm nə dəgiti am bag nə uurama, bagambag bad ərvıdmahudaru badəmma, mandki am bagar kə Yaazhigəla, am bagar kə uud biya,

²⁴ am sərgasərg tsau taakiya da vəlkurvələg nə Yaazhigəl kə dəga gwiig kwa iin nə dəgshigaruwa. Adaba am bagar kə Yaazhigəl Kəristi nə uuram kə kwatənahəra!

²⁵ Daddakwa 6a tləra kəladəra, da tləkənatləg kə dəgshiga kəladərana, adaba maay nə Daadamazhigəl fa dagar ma uud biya.

4

¹ Kuuram dadda hənyahaha, həkyamnahəkyəg kə εvaharu bak jiijiira am gədzəgan kə Yaazhigəla, adaba am sərgasərg ghərararu taakiya am də Yaazhigəl nə ghərararu ma ghərazhigəla.

² Ghulamvaghuləg kə dzəgwazhigəla, am uufəgaana am tagar uusa kə Daadamazhigəla.

³ Am dzəgwan kə zhigəl dlab kəskəmnda, kwa da wurkəməndant nə Daadamazhigəl kə duul kiyava taa əlbəgaana, kəm tagtər kə uudah kə əlbəga Kəristi shıbashiəana. Mbakyarvad dəgiti shıbashiəanən wa bəlakwadəm nə uud ma guda bərfəga.

⁴ Dzəgwamwadzəgw kə zhigəla kiyava taa əlbəgən shiḡashiḡanən ba marawa, kwa kalkalana kəskai tagana.

⁵ Dzamadzəg də dabari ma lii ar maay gata Yesu biya, am ḡa tləra aanji də kwar kə sartaruwa.

⁶ Aanji ba həra, tagamtag ba kə əlbəga herərra dlaḡa kwa əmtak kə cinnga, kiyava sərgasəreḡ kəskuuram kə ḡuuli am da ngutər nə uuram aanji ba wara.

Ghala taa uusa Bulusa

⁷ Da takurtag nə Tikikus kə dəgit təghər kəskai badəmma. Zəraabamiam nə iin kwa kiyam waig nə miyam ba vaivaiya, dlaḡa uuda jiijiir nə iin ma ḡa tləra Yaazhigəl əmtad də kəmyamma.

⁸ Bəlanantḡələḡ da vakaruwa adaba am sərən kə ndzəgana lapiyamnda, dlaḡa fəkurna kə ndzəḡa.

⁹ Dagal əmtad də Onisimusa, zərabamiam uuda jiijiir kwa kiyam waig nə miyama, kwa ghəraḡan ndakwi ba uuda kəsaruwa. Ar da tagkurtag nə iitər kə dəgitah badəm kwa dzagardzaag də kəmənd vakwanna.

¹⁰ Aristarkus kwa ma guda bərfəḡ əmtad də kai vakwana, tagkur uusa, band kwah dlaḡ nə Markus kwa daadijatər pal də Barnabasa. Iin wa tagankur naiy kə əlbəḡ təghər kə iin taakiya, akwama səvsəḡ sa vakaruwa, cawamacauḡ bad dəḡa buwa.

¹¹ Yesu kwa ḡahav də Yustus, ghəraḡan ndakwi tagkur uusa. Ba uudahan həkərdən kalti ma yaa Yahudah kwa ḡa tləra tləksəra Daadamazhigəl əmtad də kaiya, nararnəḡ kə dəḡa taa ndzəḡwagh vakara.

¹² Abafaras kwa pal ghəraṽan ma kuurama, iin ndakwani ba kwatənaha Yesu Kəristiya, tagkur uusa. Ba kəlahəng ba dzəgwazhigəl ghala Daadamazhigəl kwakyarvad am ghacan bad ndzəda, am ndzan ba righarighana, am fədgħərət taakiya am lii gata Daadamazhigəla.

¹³ Nanalnəg nai kə shid kə Abafaras təghər kə tləri kwa ghulava nə iin kwakyarvad məlkuru kəskurama, ard uudaha Lawudikiya ard uudaha Hirafolis.

¹⁴ Luka, doctar kwa kiyam waig nə miyama, ard Demas, ar tagkur uusa.

¹⁵ Tagamtərtag kə uus kə zaraabahamiyam badəm kwar ma Lawudikiya, ard Nimfa əmtad də dlamakəlawə lii gata Yesu kwar dzahav ma vəgyaana.

¹⁶ Akwama ghyənngava ghyənng karanta wak-itən təvakwaruwa, am veltər kə dlamakəlawə lii gata Yesu kwar ma Lawudikiya, kiyava karantəgan ghəravatəra. Am karantan ghəravaru kə wakitən kwar da vəlkur nə uudah Lawudikiya.

¹⁷ Am tagar kə Arkibus aa fafəg kə hənkal ghyənngna kə tlərən vəlghar nə Yaazhigəlna.

¹⁸ Ba kai Bulus də ghərar wa vəndkur kwan kə taa uusa. Viyamnabi taakiya ən ngudəngudən biya. Aa ndzandzəg nə Herəra Daadamazhigəl əmtad də kuurama. Amin.

Glavda NT Portion Portions of the New Testament in the Glavda language of Nigeria

copyright © 2024 Luke Initiative for Scripture Translation

Language: (Glavda)

Contributor: Luke Initiative for Scripture Translation

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-10

PDF generated using Haiola and XeLaTeX on 9 May 2025 from source files dated 10 May 2025

2a8aae58-fd4b-5cef-8aad-aa54853515aa